

ORGANI SHQYRTUES I PROKURIMIT

Sipas Nenit 109 të Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092

Një ankesë kundër: **KOMUNA SUHAREKË**
(Shëno emrin e Autoritetit Kontraktues)

Për Aktivitetin e Prokurimit Nr. i AP: **624-24-12927-5-2-1**
(Shëno numrin e Aktivitetit të Prokurimit)

Sa i përket tenderit për: **Ndertimi dhe rikonstruimi i kanalizimeve ne Komunë - Suharekë - RITENDER**
(Shëno titullin e kontratës si në Dosjen e Tenderit)

ANKESË

1. Identifikimi i ankuesit*

NTSH BUSHI & NNT BINI SHPK
(Shëno emrin e plotë të kompanisë suaj)

Magj. Suhareke-Prishtine-Duhel
(Adresa)

Suharekë
(Vendi)

23000
(Kodi postar)

+38344125389
(Numri Telefonit)

(Numri i Faks-it)

Ermal Sylaj
(Emri i plotë i përfaqësuesit të kompanisë suaj)

shaipsylaj23@gmail.com
(Adresa elektronike)

14.02.2025
(Data e parashtrimt të ankesës)

**Ankues do të thotë një palë e interesuar për parashtrim të ankesës.*



(Nënshkrimi dhe vula)

2. Identifikimi i avokatit

*Parashtruesi i ankesës mund ta parashtroj ankesën vetëm ose përmes avokatit të tij. Nëse ankesa parashtrohet përmes avokatit, atëherë duhet bashkangjitur autorizimin e përfaqësimit me PROKURË.
Shëno të dhënat si në vijim:*

(Emri i avokatit)

(Adresa e plotë)

(Numri i Telefonit)

(Numri i faks-it)

(Adresa elektronike)

(Data e parashtrimit të ankesës)

(Nënshkrimi dhe vula)

3. Të dhënat mbi aktivitetin e prokurimit

[Shëno një përshkrim të shkurtër lidhur me datën dhe vendin në të cilën është publikuar “ Njoftimi për Kontratë” apo “Njoftimi për konkurs të projektimit” dhe, nëse aplikohet “Njoftimi për dhënie të Kontratës”, “Njoftimi për Rezultatet e Konkursit të Projektimit” apo “Njoftimi për anulim të aktivitetit të prokurimit”, nëse aplikohet, afatin e fundit për dorëzimin e tenderit, datën dhe orën e fillimit të procesit për Hapjen e Tenderëve, si dhe kriteri për dhënie të kontratës]:

- Njoftimi për kontratë: **06.12.2024**
- Procesverbali i hapjes: **17.12.2024**
- Njoftimi mbi vendimin e AK-së: **31.01.2025**
- Kërkesa për rishqyrtim: **04.02.2025**
- Vendimi mbi refuzimin e kërkesës për rishqyrtim: **07.02.2025**
- Tenderi i përgjegjshëm **ekonomikisht më i favorshëm** i përcaktuar sipas kriterit të peshës së nën-kritereve të përshkruara Aneksin 6 ☒

4. Procesi i Hapjes së tenderëve, nëse aplikohet

A keni marrë pjesë në procesin e Hapjes së tenderëve? Nëse po, specifikoni shkurtimisht ecurinë e procesit të Hapjes së Tenderëve.

Po ☐

Jo ☒

Procesverbali i hapjes së tenderëve është pranuar përmes platformës së e-prokurimit

5. Njoftimi mbi Eliminimin e Tenderuesve, nëse aplikohet

A jeni njoftuar me shkrim lidhur me eliminimin tuaj nga pjesëmarrja e mëtutjeshme në aktivitetin e prokurimit ?

Po ☒

Jo ☐

6. Zgjidhja preliminare e mosmarrëveshjeve

A keni bërë kërkesë për rishqyrtim pranë AK lidhur me arsyet e eliminimit tuaj?

Po ☒

Jo ☐

Nëse po, ofroni detaje mbi këtë fakt dhe bashkëngjit një kopje të vendimit të miratuar nga AK gjatë kontekstit paraprak të zgjidhjes së mosmarrëveshjeve në përputhje me nenin 108A të LPP-se.

- Zyra e prokurimit e Autoritetit Kontraktues: **KOMUNA SUHAREKË** me datën **31.01.2025**, ka publikuar njoftimin mbi vendimin ku jemi shpallur të eliminuar nga procedura e lartëcekur e prokurimit, ku pas këtij vendimi me datën **04.02.2025** kemi parashtruar kërkesë për rishqyrtim me datën ku dhe me datën **07.02.2025**, kemi pranuar Refuzimin e kërkesës për rishqyrtim.

7. Dispozitat e shkelura nga Autoriteti Kontraktues

Specifikoni dispozitën ose dispozitat e LPP-së që supozohet të jenë shkelur nga Autoriteti Kontraktues që nga momenti i publikimit të Njoftimit për Kontratë/Konkurs të Projektimit, dhe nëse aplikohet gjerë në përmbylljen e këtij aktiviteti të prokurimit me publikimin e Njoftimit për Dhënien e Kontratës apo Njoftimit për Rezultatet e Konkursit të Projektimit apo Njoftimit për Anulim.

Shkeljet e LPP-se nga ana e AK-së:

- **Legjislacioni primar: Ligji për Prokurimin Publik të Republikës së Kosovës nr. 04/L-042 i ndryshuar dhe plotësuar me Lgjin Nr. 04/L-237, Ligjin Nr. 05/L-068 dhe Ligjin Nr. 05/L-092, Specifikisht të neneve:**

Neni 1 Qëllimi

Neni 7 Barazia në Trajtim/ Jo-Diskriminimi

Neni 52 Njoftimi i kritereve për dhënien e kontratës

Neni 56 Dispozitat e Përgjithshme mbi Përzgjedhjen e Pjesëmarrësve dhe Dhënien e Kontratave

Neni 59 Ekzaminimi, Vlerësimi dhe Krahësimi i Tenderëve

Neni 60 Kriteret për Dhënien e Kontratës.

Neni 65 Provueshmëria e Kandidatëve ose Tenderuesve

Neni 66 Përshtatshmëria Profesionale

Neni 67 Provat Shkresore

Neni 69 Aftësia Teknike dhe/ose Profesionale

Neni 72 Dokumentacioni dhe informacioni shtesë

- **Legjislacioni sekondar: Rregullore nr.002/2024 për plotësimin dhe ndryshimin e rregullores nr.001/2022 për Prokurimin Publik**

Neni 40 -Ekzaminimi, Vlerësimi dhe Krahësimi i Tenderëve

Neni 45.33- Dhënia dhe nënshkrimi i kontratës

Ligji për Arsimin e Lartë, Ligji Nr. 04/L-037 për Arsimin e Lartë

Ligjin për Siguri dhe Shëndet në Punë 04/L-161 dhe Rregulloren përkatëse 01/2021 të MPMS

Ligjit Nr. 03/L-212. -Ligji i Punës

*** Sipas Nenit 118 të LPP, OSHP-ja do të kthejë tarifën tuaj nëse ankesa aprovohet si e bazuar. OSHP-ja mund të kërkojë një gjobë shtesë deri në 5,000 € në rastet kur OSHP-ja konstaton që të gjitha apo cilado nga pretendimet e parashtruara në ankesë kanë qenë të rrejshme ose mashtruese.*

8. Deklaratë detale mbi faktet dhe argumentet

Përshkruani rrethanat faktike që përbëjnë supozimin për shkëlqjen e dispozitave të LPP-së. Ofroni deklaratë të qartë dhe të detajuar për faktet dhe argumentet të cilat mbështesin secilën bazë të ankesës tuaj.

Të pa kënaqur me njoftimin e date 31.01.2025 mbi Vendimin e Autoritetit Kontraktues KOMUNA SUHAREKË ne lidhje me aktivitetin e prokurimit: Ndertimi dhe rikonstruimi i kanalizimeve ne Komunë - Suharekë – RITENDER me nr. te prokurimit: 624-24-12927-5-2-1 në afatin ligjor konform ligjit, ushtrojmë këtë:

A N K E S Ë

Në mënyrë të kundërligjshme na ka eliminuar nga ky aktivitet i prokurimit pasi që i kemi plotësuar të gjitha kërkesat e vendosura në Njoftim për kontratë (NJK) dhe në Dosje të Tenderit (DT.).

Ndërsa në mënyrë te kundërligjshme ka rekomanduar për kontrate Operatorin Ekonomik të pa përgjegjshëm i cili nuk i ka plotësuar kërkesat e Autoritetit Kontraktues të vendosura ne Njoftim për kontrate (NJK) dhe në Dosje te Tenderit (DT) e që do të shtjellohen në mënyrë të detajuar edhe më poshtë mirëpo së pari po e faktojmë përgjegjshmërinë tonë dhe kundërligjshmërinë e Autoritetit Kontraktues për të na eliminuar neve.

Dhe letrën standarde për tenderuesin e eliminuar:

GOE ka prezantuar ING ILAZ HAJDIN VOKRRI, Ing i ndërtimtarisë Drejtimi Hidroteknik, me Kontratë të rregullt pune duke filluar nga data 01.02.2024 me orar të plotë dhe CV e të njejtut rezulton se në kompaninë BINI SHPK ka filluar punë nga viti 2023, ndërsa pas verifikimit në sistemin e ATK-së rezulton se ING ILAZ VOKRRI ka filluar punë në kompaninë NBT BINI SHPK nga muaji 03/2024 si punë sekondare dhe jo sipas kontratës së firmosur për punë me orar të plotë dhe CV e ING ILAZ VOKRRI nuk korrespondon fare me Kontratën dhe Lajmërimin në sistemin e ATK-së. Gjithashtu, Referenca e Kompanisë NNT BINI SHPK lëshuar ndaj ING ILAZ VOKRRI është e pavlefshme (data e fillimit të punës: 01.05.2023).

Inxhinieri në fjalë ka qënë i angazhuar në kompaninë NNT”Bini” gjatë vitit 2023 me një kontratë për kohë të caktuar gjatë vitit 2023, pas profesionalizmit të shfaqur gjatë angazhimit në vitin 2023, ne kemi lidhur kontratën prej vitit 2024 me një kontratë për kohë të pacaktuar ashtu edhe siq e kemi prezantuar edhe me rastin e ofertimit ndërsa performaca që ka shfaqur në menaxhimin e projektit edhe sipas referencës së lëshuar nga ana e Komunës së Podujevës dhe ashtu siq është e shkruar në CV, Inxhinieri është angazhuar në kompaninë NNT”Bini” sipas kontratës së prezantuar, dhe si e tillë përmbush gjitha kërkesat e kontratës sipas Ligjit të punës Nr. 03/L-212 dhe përmbush të gjitha kriteret e njoftimit për kontratë dhe dosjes së tenderit, e që në këtë rast ne kemi përmbushur

Ndërsa Ligji nuk e ndalon që një person i cili është i angazhuar me orarë të plotë të deklarohet me punë sekondare, ndërsa saj përket angazhimit të tij në kompani dhe përvojës së tij, më së miri e dëshmojnë edhe Referencat e lëshuara nga Autoritetet Kontraktues.

Në dëshmitë për inxhinierin në Njoftimin për kontratë dhe Dosjen e tenderit, nuk është kërkuar që të ofrohet një dëshmi nëse personi në fjalë do të jetë i angazhuar në kompaninë tonë me pagë primare apo Sekondare, është kërkuar një kontratë e punës valide e noterizuar, e në këtë rast ne kemi përmbushur këtë kërkesë ku në rastin konkret si dhe është i deklaruar në ATK sipas ligjit, në rast të ndonjë dyshimi konform rregulloreve dhe ligjeve në fuqi në fazën e rivlerësimit, konform nenit 52, paragrafi 7 të LPP-së në rast të ndonjë dyshimi, mund të kërkojë që të konfirmohet edhe angazhimi i Inxhinierit duke komunikuar

edhe me Inxhinierin në lidhje me angazhimin e tij dhe pozicionin e tij në këtë projekt dhe në kompani. Andaj, mbetet në përgjegjësi të AK që implementimin e kontratës ta bëjë konform rregulloreve dhe ligjeve në fuqi, të kërkojë të konfirmohet drejtëpërdrejtë angazhimi i z. Ilaz Vokrri se si do të jetë angazhimi i tij nëse fitohet kontrata nga OE.

Pra ne kemi dorëzuar të gjitha dëshmitë të cilat janë përmendur në dosje të tenderit dhe një kërkesë për të cilën e ka çekur AK në letrën standarde të tenderuesit të eliminuar nuk ka qenë kërkesë e dosjes së tenderit ku me këtë veprim të eliminimit tonë AK ka vepruar në kundërshtim me nenin 56.3 të LPP-së ku thuhet: *“Tenderuesi, gjatë procedurave të hapura, ose kandidati, gjatë procedurave të kufizuara dhe procedurave konkurruese me negociatë, nuk do të diskualifikohet ose përjashtohet nga procedurat e tilla në baza të ndonjë kërkesë ose kriteri që nuk është i çekur në njoftimin e kontratës dhe në dosjen e tenderit”*.

Me rastin e eliminimit të kompanisë sonë, shihet qartas që ka vepruar në kundërshtim me Rregulloren nr.002/2024 për plotësimin dhe ndryshimin e rregullores nr.001/2022 për prokurimin publik 40.13-*Duke mos bërë vlerësimin dhe krahasimin e tenderëve sipas kriterëve për dhënien e kontratës të përcaktuara në njoftimin e kontratës/dosjen e tenderit. Ndërsa, duke e ditur që ne si tenderues kemi ofruar*. ofertën më të mirë sipas kriterëve për dhënien e kontratës, në bazë të Rregullores për prokurim publik, 45.33, Autoriteti Kontraktues ka vazhduar vlerësimin e ofertës jashtë kriterëve të cilat nuk kanë qenë të vendosura në dosjen e tenderit dhe njoftimin për kontratë. Ndërsa neni 59.4 i LPP-së gjithashtu lejon Autoritetin Kontraktues që të pranojë ofertat, në rast të gabimeve ose paqartësive dhe në raste të devijimeve të vogla. Në të dyja rastet është një kusht që të mos jetë në aspektin material të njoftimit për kontratë/dosjen e tenderit nuk janë prekur. Ndërsa duke u bazuar në Nenin 59- Ekzaminimi, Vlerësimi dhe Krahasimi i tenderëve pika 2 AK ka mundur që të kërkojë sqarim me shkrim mbi cilindo nga aspektet e tenderit, në mënyrë që të bëhet Ekzaminimi, Vlerësimi ose Krahasimi i tenderëve sipas Ligjit, Udhëzuesëve dhe Rregulloreve.

Ndërsa Autoriteti Kontraktues në mënyrë të kundërligjshme ka shpallur Fitues një operator ekonomik i cili nuk ka përmbushur kërkesat në dosjen e tenderit dhe njoftimit për kontratë e këtë do të shtjellojmë me shkeljet të cilat janë bërë.

Në dosjen e tenderit Kërkesat mbi mundësitë teknike dhe/ose profesionale 9.1 & 9.2- Kërkesa 2- është kërkuar si në vijim: Kërkesa 2 – OE duhet të ketë Stafin profesional si për kërkesën:

- Një (1) Inxhinier i diplomuar I Nderimtarisë (ose master) - hidroteknik min 5 vite përvojë pune pas diplomimit.

Është kërkuar kontrata të punës valide të noterizuara ose marrëveshje mbi angazhim të noterizuara. Ku për këtë pikë është prezantuar: Selim Hyseni-ndërsa është prezantuar një “Draft” Kontratë pune për detyra specifike, ku në bazë të LIGJI Nr. 03/L-212-Neni 10- Kontrata e Punës mund të lidhet për një periudhë të pacaktuar, të caktuar si dhe kontratë për punë dhe detyra specifike, në këtë ligj nuk ekziston lloji “Draft” Kontratë pune për detyra specifike. Si e tillë kontrata e prezantuar nuk përmbush kërkesën.

- **Nje (1) Një inxhinier i Gjeodezisë (ose master) - te jete i licencuar si dhe te kete min 3 vite pervoj pune pase diplomimit.**

Në Kosovë, nostrifikimi i diplomave universitare të fituara jashtë vendit është i rregulluar nga Ligji për Arsimin e Lartë, Ligji Nr. 04/L-037 për Arsimin e Lartë dhe aktet nënligjore të nxjerra nga institucionet përkatëse. Ky proces është i domosdoshëm për të siguruar që diplomat e fituara jashtë vendit të njihen dhe të konsiderohen të barasvlershme me sistemin arsimor të Kosovës.

Nëse një person i diplomuar jashtë Kosovës aplikon në një tender publik në Kosovë dhe diploma e tij duhet të përmbush kushtet e tenderit, nostrifikimi i diplomës është i domosdoshëm. Arsyeja është se nostrifikimi është procesi që zyrtarisht e bën një diplomë të fituar jashtë vendit të vlefshme dhe të barasvlershme me diplomat e njohura brenda sistemit arsimor të Kosovës.

Aplikimi në tender dhe shpallja si fitues:

- Nëse diploma është kërkesë në tender dhe nuk është e nostrifikuar, personi mund të skualifikohet për mosplotësim të kushteve.
- Në praktikë, autoritetet kontraktuese kanë për detyrë të shqyrtojnë dokumentet e dorëzuara dhe të sigurohen se të gjitha kushtet e kërkuara (përfshirë vlefshmërinë e diplomës) janë përmbushur.

Përfundimi:

- Për të marrë pjesë në tender publik dhe për të pasur mundësi të shpallet fitues, personi duhet ta ketë të nostrifikuar diplomën edhe nëse një dokument i tillë nuk është kërkuar, E që në rastin konkret për Inxhinierin e Gjeodezisë nuk është prezantuar një dokument i tillë.


Autoriteti Kontaktues në përgjigjien pas kërkesës për rishqyrtim ka përmendur një marrëveshje që është e lidhur me datën 26.11.2021, për njohjen e diplomave të Shqipërisë, ndërsa mbrojtja e diplomës është 28.07.2020, dhe data e lëshimit të diplomës është 29.10.2021, që nuk përfshihet në këtë marrëveshje pasi që marrëveshja e lidhur është pas datës së diplomimit dhe marrëveshja e lidhur ka të bëjë me njohjen e gradave pas marrëveshjes.

- **Nje (1) Inxhinier i diplomuar I Ndertimtarise (ose master) – hidroteknik min 5 vite pervoje pune i çertifikuar per organizim dhe menaxhim I kantierit te ndertimit, i njejti te jete menaxher i projektit**

Është kërkuar kontrata të punës valide të noterizuara ose marrëveshje mbi angazhim të noterizuara. Ku për këtë pikë është prezantuar: Faton Frangu - Ku për inxhinierin në fjalë është prezantuar “Draft” Kontratë pune për detyra specifike, ku në bazë LIGJI Nr. 03/L-212-Neni 10- Kontrata e Punës mund të lidhet për një periudhë të pacaktuar, të caktuar si dhe kontratë për punë dhe detyra specifike, në këtë ligj nuk ekziston lloji “Draft” Kontratë pune për detyrë specifike.

- Nje person i trajnuar per trajtimin e mbetjeve inerte & 6. Nje person i trajnuar per drenazhim te dheut, *Për piken 5 dhe 6 te deshmohet me kontrata te punes ose marrëveshje mbi angazhim ne kete projekt dhe certifikatat e noterizuar nga vete mbajtesit e saj te leshuar nga kombetare apo nderkombetare dhe jo para dates te publikimit te njoftimit per kontrate.*

Të dy certifikatat e prezantuara për këta dy persona janë certifikata të falsifikuara pasi që numër i referencës si dhe datë të njëjtë të lëmit po i njëjti për të dy persona të ndryshëm.



CERTIFIKATË TRAJNIMI

REFERENCA 211/22

Emri Mbledhri BEKIM IDRIZI

Datëlindja 06.04.1979

Mori pjesë në trajnim me temë:

"TRAJNIMI: KURS TRAJNIMI PËR TRAJTIMIN E MBETJEVE INERTE NË ASPEKTIN E SIGURISË DHE SHËNDETIT NË PUNË"

Tema e trajtuar nga ana e sigurisë dhe shëndetit në punë


- Fusha e aplikimit të mbetjeve inerte;
- Legjislacioni në fuqi, për Menaxhimin e Mbetjeve të përgjithshme dhe të Mbetjeve Inerte;
- Klasifikimi i mbetjeve dhe menaxhimi i tyre në funksion të kërkesave të Direktivave Europiane

Datat e trajnimit 15.10.2022


Vendi i trajnimit Prishtinë, Kosove

Organizatori e trajnimit BLITERM ENG

Datat e lëshimit 15.10.2022



KOMPANIJA LICENCUAR



CERTIFIKATË TRAJNIMI

REFERENCA 211/22

Emri Mbledhri LEUTRIM HYSENI

Datëlindja 14.08.1995

Mori pjesë në trajnim me temë:

"TRAJNIMI: SISTEMET E DRENAZHIMIT NË ASPEKTIN E SIGURISË DHE SHËNDETIT NË PUNË"

Tema e trajtuar nga ana e sigurisë dhe shëndetit në punë

- Kërkesat teknike të standardeve të sigurisë teknike dhe shëndetit në punë
- Drenazhimi i dheut nga ana e sigurisë teknike
- Riparim i Sistemeve të kanalizimit dhe kullimit
- Nderhyrje dhe konsolidim themel
- Konsolidimi dhe kullimi i fakes
- Sistem i grumbullimit, riparimeve të sistemeve kanalizuese dhe kullimit të ujërave
- Diagnostika strukturore
- Ngjeshja e fakes me ane të vibrimit
- Shpimet horizontale me metodën tubshtryese

Datat e trajnimit 15.10.2022

Vendi i trajnimit Prishtinë, Kosove

Organizatori e trajnimit BLITERM ENG

Datat e lëshimit 15.10.2022



KOMPANIJA LICENCUAR

Ndërsa është kërkuar që këto certifikata të jenë të lëshuara nga kombetare apo ndërkombetare, ndërsa lëshuesi i kësaj Certificate: Bazuar në kërkesat ligjore, përkatësisht Ligjin për Siguri dhe Shëndet në Punë 04/L-161 dhe Rregulloren përkatëse 01/2021 të MPMS, kompania Bliterm ENG posedon Licencë për ushtrimin e veprimtarive në fushën e Sigurisë dhe Shëndetit në Punë nga MFPT dhe nuk Organ i Akredituar apo i Certifikuar nga MPMS. për trajnime për mbetjen Inerte si dhe Trajnime për Sistemet e Drenazhimit. Është përgjegjësi e Autoritetit Kontraktues që të bëjë edhe verifikimin e dokumenteve të prezantuara nga ana e Ofertuesve, ku në këtë rast shihet qartas që dokumentet (Certifikatat e Prezantuara) nga ana e OE të shpallur të përgjegjshëm nuk janë certifikata në rregull ndërsa në baë të rregullores për prokurim publik: 47.16 Verifikimi i përshtatshmërisë, dhe kualifikimeve të tenderuesve, bëhet përmes Letrës standarde B47 "Kërkese për sqarimin e tenderit/aplikacionit" përmes platformës elektronike, Neni 67-Provat Shkresore pika 2 është dashur që të bëhet edhe verifikimi i përshtatshmërive profesionale të tenderuesit.

Autoriteti Kontraktues në përgjigjen pas kërkesës për rishqyrtim ke pretenduar që pasi lëshimi është bërë në të njëjtin cikël kohor gjë e cila nuk qëndron, ndërsa ne i qëndrojmë prapa pretendimit tonë që nuk është i mundur që numri i referencës për dy dokumente të ndryshme të jetë i njëjti dhe me datën e njëjtë, pasi që numri i referencës përdoret për të identifikuar në mënyë unike një dokument dhe jo të shkaktoj konfuzion e aq më pak në të njëjtën datë Si dhe aktivitetet për të cilat është i licesuar kompania lëshuese nuk kanë të

bëjnë me certifikatat e lëshuara e aq më pak kur në dosjen e tenderit dhe njoftimin për kontratë janë kërkuar që këto Certifikata të jenë të lëshuara nga nga kombëtar apo ndërkombëtar, e që nuk përmbushin këtë kërkesë të dosjeës së tenderit.

Në dosjen e tenderit Kërkesat mbi mundësitë teknike dhe/ose profesionale 9.1 & 9.2-

Kërkesa 3- është kërkuar si në vijim: *Operatori Ekonomik duhet të posedojë mjete, stabilimetet dhe pajisjet teknike që janë të domosdoshme për realizimin e projektit Paisjet dhe mekanizimi i obligueshëm sipas tabelës në Aneksin 7 të DT duhet të jënë në gjendje të rregullt funksionale - deklarate e operatorit ekonomik që dëshmon se mjetet të cilat i planifikon të perdore të jënë në gjendje të mirë operacionale.*

Dëshmia 3 – Nga numri 1 deri 15 të dëshmohet me Dokumentin Unik Duganor (nëse Dokumenti Unik Doganor nuk është në emër të OE tenderues, atëherë të ofrohen faturat e blerjes me DUD Doganor në emër të shitësit dhe dëshmi e pagesës bankare e faturës). Nga numri 16 deri 18 të dëshmohen me Librezat e Qarkullimi kopje me afat të regjistrimit. Nëse OE nuk i ka në pronësi këto makineri, duhet të ofroj Marrëveshjet për Shfrytëzim të paisjeve për këtë projekt me dëshmi sipas kërkesës (nuk pranohen marrëveshjet e përgjithshme). Marrëveshja duhet të jetë në emër të këtij projekti me validitet të kohëzgjatjes të kësaj kontrate e nënshkruar dhe vulosur nga të dyja palët në prezencë të noterit, (AK ruan te drejten e vizites ne terren per verifikim te paisjeve nese është e nevojshme).

- **Eskavator me kapacitet minimum 35t min-1copë**

Erst Bau SHPK ka prezantuar faturen 075/2021-te dates 06.08.2021- per blerjen e Eskavatorit nga Kompania Lika Trade SHPK ndërsa fatura ka vleren 36,500.00€, ndersa eshte prezantuar nje transfer bankar i cili ka vleren prej 20,000.00 i dates 10.08.2021 ndersa nuk eshte prezantuar asnjë dëshmi tjetër për pagesën e kësaj fature, ku në dëshmitë për paisjet në njoftimin për kontratë dhe dosjen e tenderit është specifikuar shumë qartas që të prezantohet Dëshmi e pagesës bankare e faturës. E në këtë rast dëshmia e prezantuar nuk përmbush kërkesën e Autoritetit Kontraktues.

- **Eskavator me kapacitet minimum 30t min-1copë**

-Erst Bau SHPK ka prezantuar faturen 24-SHV01-001-11-te dates 26.04.2024- per blerjen e Eskavatorit nga Kompania Blerim Demhasaj B.I ndersa fatura ka vleren 85,000.00€, ndersa eshte prezantuar nje transfer bankar i cili ka vleren prej 20,000.00 i dates 19.04.2024 (ndersa fatura eshte e dates 26.04.2024)-Fatura e blerjes së Eskavatorit nuk korrespondon me datën e transferit të blerjes për këtë eskavator. Konkretisht fatura e blerjes 24-SHV01-001-11- e datës 26.04.2024 pagesa e Eskavatori 19.04.2024.

- **Eskavator me kapacitet minimum 26t min- 2copë**

-1-Erst Bau SHPK ka prezantuar faturen 24-SHV01-001-10-te dates 25.04.2024- per blerjen e Eskavatorit nga Kompania Blerim Demhasaj B.I ndersa fatura ka vleren 68,000.00€, ndersa eshte prezantuar nje transfer bankar i cili ka vleren prej 10,000.00€ i dates 25.04.2024 ndersa nuk eshte prezantuar asnjë dëshmi tjetër për pagesën e kësaj fature, ku në dëshmitë për paisjet në njoftimin për kontratë dhe dosjen e tenderit është specifikuar shumë qartas që të prezantohet Dëshmi e pagesës bankare e faturës. E në këtë rast dëshmia e prezantuar nuk përmbush kërkesën e Autoritetit Kontraktues.

-2-Erst Bau SHPK ka prezantuar faturen 21-SHV01-001-10-te dates 19.05.2021- per blerjen e Eskavatorit nga Kompania Blerim Demhasaj B.I ndersa fatura ka vleren 37,000.00€, ndersa eshte prezantuar nje transfer bankar i cili ka vleren prej 35,000.00€ i dates 09.07.2021. ndersa nuk eshte prezantuar asnjë dëshmi tjetër për pagesën e kësaj fature, ku në dëshmitë për paisjet në njoftimin për kontratë dhe dosjen e tenderit është

specifikuar shumë qartas që të prezantohet Dëshmi e pagesës bankare e faturës. E në këtë rast dëshmia e prezantuar nuk përmbush kërkesën e Autoritetit Kontraktues.

- **Eskavator me gome me kapacitet minimum 16t -2copë**

-Erst Bau SHPK ka prezantuar faturen 24-SHV01-001-2-te dates 19.01.2024- per blerjen e Eskavatorit nga Kompania Blerim Demhasaj B.I ndersa fatura ka vleren 49,000.00€, ndersa eshte prezantuar nje transfer bankar i cili ka vleren prej 30,000.00€ i dates 26.12.2023-ku dhe eshte pagese e profatures 85-2/2023 dhe kontrates 88-2023- ndersa nuk eshte prezantuar nje profatue qe deshmon avanspagesen e profatures, si dhe asnjë kontratë ndersa shihet qe edhe ka dallim ne mes te çmimit te paisjes ne faturen e paguar dhe avanspageses.

- **Ngarkues max 6.5t -1copë**

Erst Bau SHPK ka prezantuar faturen 24-SHV01-001-58-te dates 21.03.2024- per blerjen e Ngarkuesit nga Kompania DT Mining SHPK ndersa fatura ka vleren 31,000.00€, ndersa eshte prezantuar nje transfer bankar i cili ka vleren prej 20,000.00€ i dates 21.03.2024. ndersa nuk eshte prezantuar asnjë dëshmi tjetër për pagesën e kësaj fature, ku në dëshmitë për paisjet në njoftimin për kontratë dhe dosjen e tenderit është specifikuar shumë qartas që të prezantohet Dëshmi e pagesës bankare e faturës. E në këtë rast dëshmia e prezantuar nuk përmbush kërkesën e Autoritetit Kontraktues.

Siq e sqaruam edhe më lartë ka transfere bankare të cilat vetëm janë transfere bankare, dhe nuk ka specifikim se për cilën faturë është kryer pagesa e që mund të jenë edhe transfere të punëve të kryera dhe nuk janë realizuar ashtu siq ka pretenduar AK që janë realizuar për makineritë përkatëse, pasi që siq e sqaruam secilën prej paisjeve le të kuptohet shumë qartas që nuk janë ofruar Dëshmitë e pagesave për makinëritë, ndërsa AK në dosjen e tenderit dhe njoftimin për kontratë shumë qartas e ka specifikuar që të ofrohen dëshmitë bankare(dokument i cili nuk ekziston), ku në këtë rast ky GOE është dashur që të eliminohet nga procedura dhe jo të shpallet i përgjegjshëm.

Ndërsa Operatori Ekonomik i cili është shpallur i përgjegjshëm në të njëjtën kohë ka tejkaluar edhe buxhetin e autoritetit kontraktues për këtë aktivitet të prokurimit, në rastin konkret në bazë të rregullores per prokurimin publik -Neni 77.14 . ***Në veçanti, tenderët të cilët sipas autoritetit kontraktues janë anormalisht të ulët ose tenderët çmimi të cilave tejkalon buxhetin e autoritetit kontraktues siç është përcaktuar në dokumente para inicimit të procedurës së prokurimit do të konsiderohen si të papranueshëm.***

Në këtë rast GOE është dashur që të eliminohet nga procedura për tejkalinimin e vlerës së parashikuar.

Komisioni i vlerësimit me rastin e vlerësimit ka bërë shkeljen e deklaratës nën betim Sipas Neneve 1,11 dhe 59 të Ligjit Nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092 duke mos zbatuar detyrën për të cilën edhe e ka nënshkruar këtë deklaratë duke eliminuar kompaninë tonë për kritere të kanë mundur të kërkohej sqarim si dhe në të njëjtën kohë ka shpallur të përgjegjshëm dhe pretendent për nënshkrim të kontratës edhe një Operator Ekonomik pasi siq edhe shtjelluam më lartë nuk ka përmbushur kërkesat dhe ka ofruar dokumente te dyshimta.

Me eliminimin tonë nga ky aktivitet i prokurimit dhe me shpalljen fitues te OE i cili është i pa përshtatshëm dhe i pa përgjegjshëm AK e ka favorizuar drejt për se drejti OE-ne e rekomanduar për kontrate ndërsa na ka diskriminuar dhe na ka dëmtuar neve drejtpërsëdrejti.

AK për këtë aktivitet te prokurimit: ekzaminimin vlerësimin dhe krahasimin e tenderëve nuk e ka bërë konform nenit 59 të LPP-së dhe njëkohësisht nuk e ka respektuar edhe neni 60 i LPP-së kriteri kryesor për dhënie të kontratës ka qenë tenderi i përgjegjshëm dhe ekonomikisht më të favorshëm.

Autoriteti kontraktues në këtë aktivitet të prokurimit nuk ka pasur në konsideratë nenin 1 të LPP-së, pasi që dihet se qëllimi i këtij ligji është të sigurojë mënyrën më efikase, më transparente dhe më të drejtë të shfrytëzimit të fondeve publike, burimeve publike si dhe të gjitha fondeve dhe burimeve të tjera të autoriteteve kontraktuese në Kosovë.

Zyrtaret e AK me këtë vendim po tenton ta dëmtoj buxhetin e Komunës ne vlere prej 105,039.05€ pasi ka pretenduar për të shpërblyer me kontratë një OE më të shtrenjtë sesa neve. Si dhe te keq menaxhohen mbi 462,572.55 € te buxhetit te Komunës.

Me këtë veprim AK ka bere shkelje te nenit 1 te LPP-së ku thuhet se: *vendimet e AK-ve, të mos ndikohen nga interesat personale, të karakterizohet me jo-diskriminim dhe me një shkallë të lart të transparencës dhe, të jenë në përputhje me kërkesat procedurale dhe qenësore të këtij ligji.* Pra ne kemi dorëzuar tender i cili është ne përputhshmëri me të gjitha kërkesat e parashtruara në njoftimin për kontratë dhe dosje të tenderit dhe kemi ofertuar me tenderin ekonomikisht më të favorshëm.

Prandaj bazuar ne provat deshmitë dhe argumentet e sipër përshkruara, kërkojmë nga OSHP që të ndërmarr verpimet ligjore dhe të aprovohet Ankesa jone në tërësi dhe te merret:

V E N D I M

APROVOHET si e bazuar Ankesa e kompanisë sonë.

ANULOHET njoftimi mbi vendimin e Autoritetit Kontraktues

dhe lënda te kthehet ne **Rivlerësim** dhe pas rivlerësimit te shpallemi fitues i këtij aktiviteti te prokurimit, në të kundërtën nëse nuk merren parasysh faktet tona, ne jemi të detyruar të vazhdojmë procedurën ligjore në institucionet tjera kompetente.

9. Dëmet materiale

Përshkruaj mënyrën se si shkelja e supozuar i ka shkaktuar ose kërcënohet t'i shkaktojë dëme materiale parashtruesit të ankesës, ne rast se përfshini pretendime për kompensim.

Shkelja e dispozitave të mësipërme, tentojnë t'i shkaktojnë dëme të konsiderueshme kompanisë sonë, të cilat përpos dëmeve materiale që kanë të bëjnë me shpenzimet e ofertimit në këtë aktivitet dhe fitimit të munguar, gjithashtu tentojnë të na shkaktojnë dëme të mëdha edhe në imazhin e kompanisë sonë.

10. Lista e dokumenteve (dëshmime) të bashkangjitura

Nëse aplikohet, bashkëngjitni Ankesës dokumentet e renditura më poshtë:

- a) një kopje të publikimit të “Njoftimit për Kontratë”*
- b) një kopje të procesverbalit të hapjes publike të tenderëve*
- c) Njoftimi mbi vendimin e AK.*
- d) Dëshmite*

****Sipas Nenit 111.2 të LPP, Parashtruesi i ankesës, origjinalin e ankesës do t'ia dorëzojë OSHP-së dhe njëkohësisht një kopje do t'ia dërgojë në mënyrën më të shpejtë të mundshme Autoritetit Kontraktues.*